

Li mestieri

Periodo: La ricostruzione e il boom economico (1946-1966)

Lingua: salentino

Tags: lavoro/capitale

Indirizzo: <https://www.ildeposito.org/canti/li-mestieri>

Mo' ve cuntù de li mestieri:
li scarpari su li primi,
se la inchiene la panza
cu nu piattu de lupini.

Lariro, larirollallero, lariro,
larirollallà.

Mo' ve cuntù li falignami,
tuttu lu giurnu liscia liscia,
quannu spicciane la sciurnata,
se la futtene la pignata.

Lariro...

Ca po rriane li trainieri,
fannu na vita de cavalieri,
quannu rriane alla 'nchianata
la castimane l'Immacolata.

Lariro...

Mo' ve cuntù de li ferrari,
tuttu lu giurnu batti batti,
quannu spicciane li crauni
se li rattane li pampasciuni.

Lariro...

Mo' ve cuntù de li 'mpiegati,
fannu na vita de padreternu,
quannu 'rriva lu ventisette,
te lu squajane lu guvernu.

Lariro...

Mo' ve cuntù li contadini,
fannu figura de pezzenti,
quannu spicciane la staggione,
nun hannu cotu propriu nienti.

Informazioni

Canto tradizionale salentino con cui, con grande ironia e forza, si denuncia il sottopagamento e le cattive condizioni di molti lavori.